



UNIVERSITÄTS-  
BIBLIOTHEK  
PADERBORN

# **Suumma [!] de laudibus christifere virginis Marie**

**Albertus <Magnus, Heiliger>**

**Colonie, 1502**

**VD16 A 1357**

De fructu q[ui] e[st] gaudiu[m]

---

[urn:nbn:de:hbz:466:1-69610](https://nbn-resolving.org/urn:nbn:de:hbz:466:1-69610)



## De gaudio Iso Ius.

bile fuit. Quod ad celum maxime elata fuit sic probatur. habet Math. ubi est thesaurus tuus etc. igitur thesaurus trahit ad se fructum. Sed beatissima virgo habuit improporcionabile thesaurum in regno celorum igitur improporcionabiliter eleuabat ad celum. Item eleuatiuum eleuans est gratia. sed in beatissima virgine fuit improporcionabiliter gratia. Item in ps. sunt tres questiones. vna. Domine quis ascendet in montem sanctum tuum. altera. Quis stabit in loco sancto eius. tertia. Quis habitabit etc. Quia difficile et perfectum est ascendere. difficilius et perfectius est stare. difficillimum et perfectissimum est habitare et quiescere. Sed ad statum apostolorum qui maiores ab ecclesia dicuntur pertinet ascendere et non habitare imo descendere. vnde angeli ascendebant et descendeabant. Beatus. vnde apostolus rapiebat usque ad tertium celum et mox descendit ad disponendum curam infirmorum. vnde dicit. Siue mente excedimus sobrii deo etc. igitur ad perfectiorem statum quam apostolorum fuit pertinet ascendere et quiescere. Sed super statum apostolorum non fuit status eminentior quam status beate virginis. Item ad statum beate virginis pertinet ascendere et quiescere et habitare. Item in ps. Occupabit et deficiet anima mea. Item inter atria domini tenere et inter atria domini concupiscere et deficere. medium est atria domini concupiscere et non deficere. secundum pertinet ad statum viatorum. primum est ad statum comprehensorum. Item medium ad statum medium hoc autem est statum beatissime virginis. Item atria domini concupiscit et non defecit virgo igitur requieuit ibi. Item ysa. Requiescit spiritus domini etc. Bern. Nimirum et super eam. Item super eam requieuit spiritus sapientie. Sed requies est quietudo motus. Item augmentum et diminutio non sunt sine motu. igitur si habuit spiritum requiescentem fuit sine motu. Item sine augmento igitur in summo. igitur fructum charitatis habuit summo. Item in corruptio facit primum deo. Item in beata virgine fuit improporcionabiliter incorruptio. igitur improporcionabiliter primitas deo. Item quod se exultat humiliabit etc. Sed beatissima virgo fuit in summo humiliata igitur in summo exaltata. Cum ergo charitatis fructus sit eleuatio ad celum. manifestum est ex his quod beata virgo habuit charitatis fructum in summo.

**De** Quarto de secundo fructu qui est gaudium. de quo glo. ibidem. quod gaudium est conscientie puritas et eleuatio animi in his que digna sunt exultatione. Sed hec tria conscientie puritas ut patuit etc. et eleuatio animi ut probatur est supra in primo. et dignitates donorum spiritualium fuerunt in beatissima virgine in summo. igitur habuit fructum gaudij in summo. Item ps. viderunt omnes fines salu. etc. quod visio saluationis est causa in bilationis. sed visio ista beata virgo in summo vidit. Item in summo in bilauit. Item Luc. Annuncio vobis gaudium magnum quod natus est saluator improporcionabiliter magis est nasci saluatore de se quam nasci sibi. Item beatissima virgo improporcionabiliter omnibus causam gaudij habuit. igitur improporcionabiliter gaudia fuit maria. Item improporcionabiliter

Rō prima

k. illi.



## De fructu qui est gaudium

nabiliter magis est nasci sibi saluatore filium quam sibi nasci deum. si enim beatissima gens cuius est dominus deus eius improporcionabiliter est beatior cuius est dominus filius eius. Sed beatissime virginis nascebatur filius alijs omnibus dominus. igitur improporcionabilem causam alijs gaudium dedit habuit. igitur in summo gaudium fuit. Item si diligeretis me gaude-  
retis utique. hec est immediata et per se dilectio enim est immediata causa gaudij  
Sed beata virgo habuit dilectionem in summo. igitur et gaudium in sum-  
mo. Item gaudete et exultate quoniam nomina vestra scripta sunt in celis  
hoc est gaudium de predestinatione eterna et de preteriti iusticia. sed beata vir-  
go habuit presentem iusticiam in summo. igitur et gaudium in summo.  
Item aliquis predestinatur ut sit seruus dei et filius per adoptionem. ali-  
quis ut filius dei sit per deum ut christus homo. aliquis ut sit mater dei  
per naturam. Sed improporcionabiliter maius est in aliquo esse ma-  
tram dei per naturam quam esse filium per adoptionem. igitur beatissima vir-  
go causam gaudij habuit in summo. Item apostolus Gaudete in  
domino. dominus enim prope est. igitur proximitas est causa gaudij. sed bea-  
tissime virginis in summo proximus fuit. igitur summum gaudium  
habuit. Item apostolus. Habentes super omnia charitatem que est vin-  
culum et pax dei exultet in cordibus vestris. Glo. Charitas que est cau-  
sa exultationis. Sed beatissima virgo habuit charitatem in summo. et  
exultauit in summo. Item regnum dei intra vos est pax et iusticia et gau-  
dium in spiritu sancto. Beatissima virgo improporcionabiliter alijs  
plus habuit in corde de regno dei. igitur improporcionabiliter plus  
de gaudio in spiritu sancto. Item misericordia et veritas precedet faciem  
tuam beatus populus qui scit iubilatioem. precessio misericordie est causa iubila-  
tionis. sed in beatissima virgine precessit misericordia in summo. igitur  
sciuit iubilatioem in summo. Item Iob. Quod gaudium mihi est.  
quia in tenebris sedeo et lumen celi non video. igitur attractio sensus et  
in luce esse et lumen celi videre est causa leticie. hoc autem in beatissima  
virgine fuit in summo. igitur habuit gaudium in summo. Item beatissi-  
ma virgo fuit omnibus comprehensoribus et viatoribus causa gaudij  
et leticie. igitur plus omnibus gaudij habuit et leticie. unde Sara in figu-  
ra eius dicit. Risum dominus fecit mihi. et omnes qui audierunt corridebant  
mihi. quasi di. gaudium principaliter pertinet ad me. alijs autem exsequen-  
ti et per meum Judith. xiiij Tu gloria israel tu leticia hierusalem tu hono-  
rificentia populi mei. Item ysa. Letabunt coram te sicut qui letant in messe. si-  
cut exultat et. Item hic tagunt due cause gaudij. Messorum de fructu et  
victorum de spolijs. Sic ergo est gaudium messorum de fructu et victorum de spo-  
lijs. Sed beatissima virgo habuit fructum in summo. habuit ergo et gaudi-  
um in summo. Item beatissima virgo habuit victoriam et spolia in  
summo. quod ex facibus leuiathan mundum quasi spolijs eripuit.